

L E T T R E

12. 41. PATENTES DV ROY,
DECLARATIVES DES
Droicts, Priuileges & Preroga-
tiues de Monseigneur le Cardi-
nal de Bourbon.

*Publié en la Cour de Parlement, le
vingt sixiesme iour d'Aoust,
l'an. 1588.*

A P A R I S.

Iouxté la coppie de Federil,
Morel, Imprimeur ordi-
naire du Roy.

M. D. LXXXIII.

Avec Priuilege dudit Seigneur.

THE NEWBERRY
LIBRARY

Case

F

39

1326

1588 f122



LETTRES PATENTES
DV ROY DECLARATIVES
*des droicts, Priuileges, & prerogati-
ues de Monseigneur le Cardinal de
Bourbon.*

HENRY par la grace de
Dieu, Roy de France &
de Pologne, A tousceux
qui ces presentes lettres
verront, Salut. Sçauoir faisons que
pour la tresgrande, singuliere &
parfaicte amitié que nous portons à
nostre trescher & tres-amé Oncle, le
Cardinal de Bourbõ, & pour estre le
plus proche parent de nostre sang,
que nous ayõs à iceluy pous ces cau-

Aij

ses & plusieurs autres, & bonnes & grandes considérations, à ce nous mouuans, desirant mesmement luy faire cognoistre de plus en plus nostre affection en son endroict, & aussi rendre notoire à vn chacun le degré de consanguinité & bien-vueillance, en quoy nous le tenons: Auons de nostre grace speciale, pleine puissance & autorité Royale donné & octroyé, donnons & octroyons par ces presantes pouuoir, faculté & auctorité de faire vn Maistre de chacun mestier en chacune des villes & citez de nostre Royaume: Et oultre voulons pour pareille consideration que ses seruiteurs & Officiers domestiques & commensaulx iouissent de semblables priuileges, exemptions & immunitéz dont iouyssét noz Officiers domesticques, lequel octroy par

nous ainsi fait à nostre dict Oncle,
ensemble toutes les creations que
par vertu de ce, il fera cy apres, nous
voulons estre de tel effect & valeur,
comme si nous mesmes les auions
faites & donnees à nostre ad-
uenement à la Couronne, & nou-
uelle entree en icelles villes & citez
de nostre dict Royaume. SI donnós
en mandement par ces mesmes pre-
sentes, à noz ames & feaulx Con-
seillers les gens tenans noz Courts
deparlement, Chábres de noz Cóp-
tes Courts de noz Aydes, aux Pre-
uost de Paris, Baillifs, Seneschaulx,
& tous noz autres iusticiers, officiers
& subiets, ou à leurs Lieutenans &
commis, & à chacun d'eux sur ce re-
quis, si comme à luy appartiendra
qu'ils facent lire, publier & enregi-
strer ces presentes, & que de nosdits

don, confection, declaration, faculté, puissance & auctorité, ils facent souffrēt & laissent iouir & vserplai-
 nement & paisiblement nostredict
 Oncle, & ceux auquel il aura don-
 né & fait lesdictes creations de me-
 stiers de chacune desdictes villes &
 citez de nostre dict Royaulme, sans
 leur faire mettre ne donner, ne souf-
 frir leur estre mis ou donné aucun
 destourbier ou empeschement au
 contraire en quelque facon & ma-
 niere que ce soit. Car tel est nostre
 plaisir, non obstant que nostre dict
 Oncle n'ait fait & ne soit tenu faire
 aucune entree en icelles villes & ci-
 tez. Et pource que de cesdictes pre-
 sentes on pourra auoir affaire en plu-
 sieurs & diuers lieux. Nous voulons
 qu'au vidimus d'icelles deuement col-
 lationné par l'un de noz amez &

feaulx Notaires & Secretaires, ou
fait soubz seal Royal soy soit adiou
stee comme au present original, en
tesmoing dequoy, nous auõs signé
cesdites presentes de nostre main,
& a icelles fait mettre nostre seal.

Donné à Chatres, le dixsepties-
me iour d'Aoust, l'an de grace mil
cinq cens quatre vingts huit, & de
nostre regne le quinzieme.

Signé, HENRY.

Et sur le reply,

Par le Roy estant en son Conseil.

DE NEUF-VILLE.

Et seellé sur double queue de cire
iaulne. Et sur le reply à costé est en-
core escript.

*Leues & publiees & enregistrées,
oy & consentent le Procureur general
du Roy. A Paris en Parlemēt, le vint-
sixiesme iour d'Aoust, l'an mil quatre
cens quatre vingts huit.*

signé,

D V TILLET.